

漳州府志卷之三十八

○明列傳中

汪 凱 郭 舒 廷用 施 惠 陳 惠

吳 超 吳 玘 陳 英 鄭 復 臨

楊 表 林 偕 春 王 應 顯 黃 文 豪 一 龍

盧 維 正 張 佐 治 蔡 杲 陳 以 珪 曾 應 榮

蔡 思 充 陳 天 定 附方進 許 文 俊

汪凱字克寧龍溪人為人豁達瑰偉善屬文永樂鄉薦第  
一甲辰成進士授禮部主事湖湘饑奉詔往撫陞浙江  
僉事守官清介懲奸激濁不避權勢浙人思之

漳州府志

卷之三十八

人物三

三百四十三

郭舒字端莊龍溪人景泰五年進士授行人為人廉介耿  
直人不可干以私蜀王薨奉使諭祭贈以金帛不受又  
奉使于廣布政使張瑄餽丸藥五十枚歸家剖藥則黃  
金也舒封固丸藥遣人齎還之又奉命邠州督茶州守  
餽金曰故事也舒曰革之請自我始遷戶部郎督課長  
蘆諸中貴請乞槩杜絕旋丁內艱起補工部郎中擢守  
池州興學勸農省刑息訟而摧科若拙以忤直指致仕  
歸行橐蕭然家居手不釋卷絕迹公門淡泊以終孫廷  
用舉人知縣

施惠字師僑龍溪人應景泰七年貢任武強知縣清介自



持門無私謁有劇賊入境官軍莫敢誰何惠單車至壘諭以大義賊散去民有田三百餘頃爲戚里所占惠奏復之以忤當道歸家貧受徒自給

陳惠字啓順龍溪人成化二年進士授監察御史時御史楊智疏言吏部與中官交通上怒欲置于理惠具疏乞宥直言以開言路智由是得免擢知廣信府居官清慎衙宇壞吏請脩葺惠曰無以我故勞民傷財僅取小木支架足矣巡行屬邑每自齋糧示毋費民以二程文集爲道學指南刊布郡中三載卒于官祀名宦

吳超字華越漳浦人成化戊戌進士授工部主事監杭州

# 漳州府志

## 卷之三十六

人物三

二

三百九十九

關關故利藪超矢志奉公羨餘悉歸公帑清議推之改管徐州泄三年尤以清勤著遷廣西叅議致仕歸家居淡薄杜門自守鄉人有清白吏之稱

吳玘字子瓌龍溪人宏治庚戌進士初授撫州府推官有折獄才每公出裹糧自隨不勞百姓以不干名譽十年不得調及爲御史直言敢諫有古諍臣風巡按山東卒于官

陳英字石英龍溪人

今海澄

由正德癸酉舉人任滋陽縣教

諭悉心敷教鄒平王重其爲人有月溪正人之贈興陝西文衡陞定海知縣公清愛人尤敦崇正學以爲士人



未幾卒于官所部哀感爲建墮淚碑相語必嗟叱曰天  
乎如此人曾不得中壽哉所著有滄泉橋五卷子一龍  
一龍字鱗伯生而穎敏比長能爲先秦兩漢間言每郡國  
及里中有所撰著輒授簡焉舉壬午鄉試第八己丑成  
進士授行人出按東粵所著有延露編數十卷行世  
盧維正字司典漳浦人隆慶戊辰登進士授太常博士擢  
吏部主事歷考功文選郎中品藻精密拔淹滯進孤寒  
允所舉錯雅符公論廣西僉事陳希美補官赴京具奏  
爲御史時以言忤權相維正主持公論衆皆曰非選郎  
難免虎口矣遷太常寺少卿右通政歷太僕光祿寺卿

# 漳州府志

## 卷之三十六

人物三

五

四百三十七

疏請浙直歲派上供改折及良醞珍羞二署管糧弊端  
上嘉納之遷太常寺卿疏請舉冊立大典言極懇惻陞  
大理寺卿復疏巡撫李材罪有可矜不報陞工部右侍  
郎改戶部代總督倉場事以忤當道上疏致仕策蹇出  
都門年始艾也與朱尚書天球結社梁山之麓所著有  
醒後集若干卷卒贈戶部尚書賜祭塋孫壘入太學  
張佐治字思謨平和人萬歷甲戌進士初授高淳令以治  
行調繁歷長興高明二縣廉明果毅聽斷精敏所至復  
能勤恤民隱歲旱步禱嘗奉文丈田屏騶從親行郊野  
中較量不失尺寸民德之遷寶慶郡丞及補紹興署郡



事併署上虞諸暨二邑清望大起以卓異薦大計吏錫  
清廉宴十六人佐治與焉超擢婺州守再補寧波在婺  
雪孀婦王氏寃獄定海有盜殺人棄屍江中屍逆流而  
上隨官舟佐治察之曰此新被戕者賊去未遠亟遣人  
踪跡尋捕得之一訊服辜遷寧紹兵備副使尋轉天津  
兵備叅政時倭犯屬國天津戒嚴所爲桑土綢繆計甚  
具闢屯田數萬頃以贍軍費權璫重取葦稅力爭之得  
減十之五竟以勞卒于官佐治天性惻惻而高潔有特  
操歷官數任垂橐歸里在津門病葦官屬入視布被蔬  
席而已沒無遺貲僚屬治具歸其喪

漳州府志

卷之三六

人物三

六

四百二十三

蔡杲字宏中漳浦人少有文譽與弟昇齊名昇先成進士  
早卒杲登萬歷己丑進士授太倉知州遷南京吏部郎  
中調考功司考察公平擢光祿寺丞光祿故清秩而杲  
尤自刻勵凡貲郎爲屬員者非公事不敢晉謁明于藻  
鑑尤樂推引善類孳孳不怠尋陞尚寶少卿杲豐頤修  
髯亭亭適上居京邸五六載未嘗携家時栖止道院僧  
寮一榻蕭然交無雜賓卒于京貧無以殮友人爲經理  
其喪歸里

陳以珪字思禹海澄人主事映之子萬歷戊戌進士授太  
常博士明通淹博同官俱推之遂註禮部主客郎在廣



衆中軒舉若朝霞而性謙抑訥訥然如不出口每事有疑滯衆問陳公云何輒先謝不知然後論列有饒州別駕陳奇可以忤愾死詔獄無敢視者以珪獨經紀其喪時論高之疾甚告歸卒於瀛西舟次人皆惜之

曾應榮字若槐海澄人萬歷辛丑進士初爲戶部主事轉外任累陞雲南按察使爲人和厚質實方在部日與老成諏講曹務汲汲若不及年少者笑謂之迂應榮不恤家居或詢在官善政則謝曰供職幸無罪而已邑六人  
都土腴而近海多鹵邑人鄭應龍倡築陂通九都水功未成應榮繼之設閘時蓄洩化鹵地爲沃衍歲稔倍收

## 漳州府志

### 卷之三

人物三

七

四百二十九

鄉人立碑誦其德

蔡思充字寶卿漳浦人萬歷丁未進士初授東陽令有廉名何喬遠贈以詩云東陽爲令幾多時不取民間一寸絲已酉分校得倪元璐于穉齡卒爲名臣擢刑科歷禮工戶科給事中晉工科都給事陞太常光祿二寺卿以議許世子不嘗藥觸璫怒告歸尋起南太常卿陞刑部侍郎上疏極陳科場關節叢弊及蘆州蕪湖闕數大案辭義激烈讞罪出入輕重多所平反晉大司空始終以清慎自持致仕歸至莆陽卒給祭葬贈太子少保

陳天定字祝皇龍溪人與相國林文穆爲中表嘗師事之



天啓乙丑成進士遭魏璫方張不釋褐而歸日與友人稽經誼史評選四書文海內宗之而陳氏說書尤盛行于世會漳中不靖郡守施邦曜與共商捍敵之策天定繕鄉兵輕衣治戎自城以東皆主之築土堡於鎮門兩岍以固郡圍賊嘗一夜以輕舟泊浦頭天定選士乘月黑要之幾不得出自是不敢內犯歲薦饑天定捐貲勸賑活饑民無數民爲立碑紀其事崇正辛未璫燄旣熄始殿試授官行人時善類盛推東林天定憂歎曰柰何以此賈黨禍然竟以黃石齋連及繫獄旣釋召補銓衡未幾林文穆卒遂請護喪以歸甲申後進迹花山放言

漳州府志

卷之三六

人物三

自廢著有陳氏說書及慧山詩文全集若干卷行于世學者稱爲慧山先生及門方進棄諸生偕隱終身人稱高節云

許文俊字啓芳少而英雋登萬歷己卯舉人倜儻尚氣節與葉向高友善迨向高秉政文俊猶顛躓公車丁未北上也向高來訪微示汲引意文俊耻之託疾不與試補象山令鋤豪暴革陋規崇學校民德之爲立祠時當明季國事多艱掛冠回籍優游林下重見後己卯登科者壽

九十三卒

論曰鵠不浴而自白鳥不染而自黑清濁潔汗論者



以爲性質固然而實非也勵正直養廉耻上有好者  
下必有甚聞之長老當明之隆羔裘素絲爾教我倣  
士有休官而美田宅者鄉黨不齒之况其朋儕乎今  
錄自汪凱迄許文俊諸君子亭亭物表者以志一代  
風教之盛焉

陳 璽 王 玘 陳 鐔 林 同 陳 爵

陳 奐 曾 逸 沂 張 壇 麟

王 龍 澤 徐 鼎 謝 彬 王 命爵

柯應鳳 韓 濟 倪大器 陳 俊明 中明

胡士鰲 黃日謹 陳一洙 林 宰 李京元

# 漳州府志

## 卷之三

人物三

九

三百五十九

陳璽字尚勉漳浦人正統元年進士授戶部主事遷吏部  
考功郎中考覈平時瓦刺犯邊璽作備邊策以獻陞廣  
東左布政使召入內殿賜宴寵其行時廣東當劇賊之  
後官軍疲于攻戰民愁苦供億璽至且撫且捕遂降新  
興德慶蓬州諸賊地方以寧旣而疾發請告歸其子以  
價買親戚田璽讓之曰某丈貧甚若可取其有耶亟破  
券還之其父嘗從胡宗華遊宗華之孫貧璽以女妻之  
植其家論者乃以璽爲仁厚長者也璽爲文章典雅尤  
善於詩所著有梅菴存稿經籍要覽若干卷  
王玘字宏璋南靖人正統戊辰進士初授禮部主事歷戶



部員外郎監督淮安糧儲出納維公而同事中使欲擅權侵利玆按其事將劾之中使懼而止遷郎中九載考績擢雲南右叅政未任以親老乞終養父歿哀毀成疾而卒

陳鐔字曰宣漳浦人景泰庚午舉人授太原通判清慎自持督民兵守禦邊境與士卒同甘苦秩滿民立石頌焉陞徽州同知改嚴州案無留牘民無冤訟以廉能聞年七十致仕

林同字進卿龍溪人天順庚辰進士授工部主事歷戶部郎中撮錢穀樞要作指南錄從政者皆以爲便成化庚

## 漳州府志

### 卷之三十六

人物三

十

一百八十四

寅保定饑奉勅賑濟明年擢江西左叅政權貴請托皆格不行宏治庚戌賊掠大府檄同偕總兵官馬俊禦之賊平陞浙江右叅政督理糧儲力革諸弊陞廣東布政使條示利病二十餘事督郡縣行之又勸民行呂氏鄉約及文公家禮年七十上疏乞骸骨詔許之同爲人柔外而剛中勇於爲義嘗請郡縣移建觀瀾書院于文山之麓塑朱子及四配像仍置祭田以修祀事自出貲作大宗祠以合族人居官四十年祿入手隨散卒之日家無餘貲

陳爵字良貴南靖人天順丁丑進士初知揭揚縣嶺南盜



起爵親登賊舸諭之不從爵度賊且至乃築城鑿池環以柵爲守備計未幾寇大至爵躬擐甲胃爲士卒先賊知不可犯乃引去事寧招撫良善抑強扶弱勸農桑興學校民愛之如父母守臣上其事擢知韶州府以憂歸改高州府未一載而卒揭陽之民立祠祀之有邑民王廷烈者自輸田五十畝以供祀事

陳負漳浦人成化乙未進士初授工部主事陞員外郎監濟寧閘并督北畿山東河務俱以才幹見稱宏治庚戌沿邊告警軍糧匱乏乃改負戶部郎中奉勅往督之負催督有方應期而辦陞貴州叅議時都勻寇至當道命掌司事徵發及時糧運不絕軍賴以濟賊平以疾乞歸卒于家

# 漳州府志

## 卷之三十八

人物三

士

三百九十五

曾逸字世超龍溪人成化丁未進士授工部主事陞員外郎治張秋河及興錢塘水利皆有功復上疏言便宜遠計劉尙書璋深器重之後以養病歸丁母憂未幾卒逸恬于仕進家甚貧居鄉謙謹人咸愛敬之子沂舉人英山知縣

張壇龍溪人成化丁酉舉人初授廣德州學正時知州以事擊獄有僞俸檄來代者壇詞知以告州佐縛之數有異績陞青州通判九載滿考擢大理府同知麓州寇叛



數年墮至單車宣德意寇遂納欵以功擢刑部員外郎  
奔父喪過戚卒于家子麟孝友和睦善誘後進應嘉靖  
癸巳貢

王龍字虞臣龍溪人昇之曾孫應宏治九年貢授四會丞  
民有叔姪訟者令具衣冠行家庭禮因感泣悔罪邑民  
化之隣邑開建多盜當道廉其能檄署邑篆龍設策平  
之招撫逃移復業者數千人擢知英德縣尋以外艱歸  
服除補任乳源捐俸貲以脩學宮歲饑出粟賑民全活  
甚衆邑有虎患龍爲牒告城隍虎不傷人年七十致仕  
歸龍弟澤

# 漳州府志

## 卷之三

人物三

三

三百八十八

澤字虞雨龍之弟應嘉靖二年貢授思川推官陞梧州通  
判屢承檄採大木勘坑冶調度戰艦兵餉所至皆有廉  
聲卒官歸貧幾無以爲葬云

徐鼎字思重漳浦人嘉靖庚戌進士初令臨州清虛糧均  
徭役崇學校卹犴獄擢南京戶科給事中轉北禮科乃  
疏陳六事復劾諸大吏弗飭者中外肅然陞工科都給  
事中卒于官鼎耿介儁朗不逐流俗奉二母無間言捐  
貲贍族有范希文之風嘗奉使過里中歲荒會有征饒  
之役民苦供輸貽書當道乞許民分給續運復上疏議  
追折省原借糧銀紓閩中官民之急未幾卒臨川人祀



名宦漳浦人亦祀之于鄉

謝彬字文華龍溪人

今海澄

嘉靖甲辰進士授南京戶部主

事管揚州鈔關祛積弊尚寬平及遷郎中脩本部志書一遵史體出爲廣州知府州有冤獄累年不決立昭雪之擢山東憲副部轄曹濮當四省之衝盜賊盤紂設法懸賞分兵布伏諸盜後先就縛東土晏然時分宜權相公子有所請不遂啣之乃罷歸郡守羅公青霄聞其有史才以修郡志托焉性孝友撫育三弟分俸與共鄉人高其行誼著有愛吾堂摘稿藏于家

王命爵字仁卿南靖人嘉靖乙卯舉人父爲饒平賊所擄

## 漳州府志

### 卷之三十六

人物三

三

四百一十

命爵入賊巢求身代父賊感其孝兩釋之初授密縣教諭遷廬江令清革馬稅及却常例金遷南京兵馬司以治獄不冤績最擢韶州同知從征羅旁築西林城有功權南雄關稅一絲不受兩臺交薦加四品服俸蓋異數也嗣陞廣西太平府知府陞兩浙鹽運使以母喪歸復除河東鹽運使積羨悉歸官帑歲歛捐俸賑饑所全活甚衆致政歸家年八十卒家貧至稱貸以殮

柯應鳳字文徵龍溪人嘉靖癸卯舉人爲珙縣令珙隣鎮雄土酋往往與民爲難憚應鳳威名稍戢邑獄有萬兒者冤獄也應鳳訊得其冤狀力爭之竟以忤當道意調



會同令會同稱盜藪應鳳始至召鄉三老若干人別置一處給紙筆書盜主名衆所共指者逮置之法境內肅然民苦徭役委曲區置民賴以稍蘓凡三署旁邑篆廉能聲籍甚擢鳳陽別駕會守缺攝篆庭無滯牘以憂去補惠州劇寇李文標據巢以叛所部鼎沸應鳳單騎往諭之盜涕泣解散後以入覲事竣間道抵家遂杜門不出卒

韓濟字克濟龍溪人萬歷甲戌進士授工部主事覈物料督戎器却常例金旋丁內艱起復補刑部郎出守河南政尚平恕至持法則守正不可奪潞藩請地力止之宗

# 漳州府志

## 卷之三十六

人物三

四

四百〇二

室祿米有虛糜及屯糧宿蠹者悉爲釐革歲饑開倉賑焉以外艱歸復補武昌擢湖廣副使理蘓松常鎮四郡糧儲兼督支河省費巨萬時有爲蜚語誣諸貴游子弟聚集亡命將爲變當道急索按之株連巨族濟力持不可曰是輩醉飽狂妄瞋目語難爲豪耳無反跡不宜深求久之事漸冰釋不者且構成大獄禍烈矣遷楚藩叅政以勞瘁成疾乞歸歷仕二十載未嘗營家人產里居片字不至公門在武昌積贖鍰二千餘金悉捐脩廟學懸橐出郡卒于家

倪大器字汝璉海澄人生而早慧九歲入鄉學十一歲食



廩萬歷十六年雋京闈壬辰成進士授歙縣令縣有大  
宗林僧徒連結奸匪毒害遠近無敢治者大器廉得實  
收二十餘人入獄欲置之法僧糾集黨援謀以上元夜  
三鼓劫衆囚出獄爲變大器偵知預爲備戒守齋者再  
鼓無遽闕旋轉而四鼓諸奸匪知謀洩噤不敢動明日  
卽論僧如法大府嘉其才特薦之未幾卒於官曾孫俊  
明中明等相繼登科第

胡士鰲字爾潛詔安人憲副胡文子也萬歷丁丑進士授  
江陰宰有駿聲入爲計部郎持節賑畿南諸郡全活無  
數出守武林士附民懷以忤當道奪職爲登州二守東

## 漳州府志

### 卷之三十六

人物三

五

四百〇八字

征備禦所籌畫爲多遷州守適礦璫陳增橫暴三齊益  
都尹吳宗堯被逮士鰲義形於色曰守令一體也令逮  
何以守爲資其行旅護其屬出境揭政府部院爲令白  
寃增聞之遂并構焉有旨降河東運同自是臺省屢疏  
士鰲才品銓曹屢推用俱不報遂賦閒居士鰲少負經  
世才不可一世詞藻亦翩翩列著作林名實未究識者  
悼之

黃曰謹字元祇鎮海人萬歷丁丑進士授工部主事分司  
清江浦以羨餘賑饑施藥遷郎中治孟城河條上兩疏  
時稱確議擢廣東副使理鹽法振刷弊蠹商民頌德轉



叅政分守南贛調停稅使地方安堵陞本省按察使入覲值足疾當事者措拾之改粵叅政復入覲輯金鑑錄數卷將以獻道卒蘄水曰謹內行淳備兄早卒事嫂如母撫四姪如子居鄉好行其德衛庠初建賦額已定廩餼第列虛名無半菽之需曰謹力陳之郡守劉公志業請以衛官員缺俸充之歲支米二百四十石復置海頭港稅以資學宮費以俸金遍給庠士百餘人闔衛德之陳一洙字國潢漳浦人生而穎異年十九舉于鄉登萬歷丁丑進士持己當官公正廓落無所阿私所至皆有嘉績初令靈川遷計部司通儲權吳關所經營度支課務

# 漳州府志

## 卷之三十六

人物三

夫

四百五十九字

釐革爲多事事俱便商民賢聲大著擢憲副躋總臬所閱歷江右楚蜀憲度風清吏民畏懷其慷慨任事爲地方計長久確有碩畫兩臺省薦剡適爲忌者所中遂掛冠歸居家孝友承歡均財尤人所難云

林宰字德衡漳浦人萬歷辛丑進士授無錫令歷陞四川布政使寬以得民而事必躬親不假手胥吏樊龍樊虎之變親援袍鼓以勵將士密召女士司秦良玉設計擒之陞太僕少卿核馬政諸弊賜銀綺者三嘗分典鄉會試得士如鄒之麟耿如杞等皆一代名豪識馬太史世奇于童子試中時稱具眼以南兵部左侍郎致政在鄉



里無貴僻容與父通政使梓俱享百壽

季京元字百起號翼皇世居平和侯山有夙慧甫六歲過母家舅氏以人少則慕父母句作破題應聲曰孩提之童無不知愛其親也一坐嘉歎崇正丁丑成進士授江西新昌令至則革除常規釐剔宿弊審斷如神有監生陳某貲累巨萬傭耕者病死怨家誣生之佃戕之因以及生京元察其冤免之又有比隣相構訟者聞京元將赴郡道出舍旁乃自毀其屋以待京元停輿問曰毀於何時曰數日矣京元曰夜新雨屋中什器不濕何也訟者無以對立責之其發奸摘伏類如此後陞授慶遠推

# 漳州府志

## 卷之三十六

人物三

七

官年八十有二卒於家

論曰周官少宰以六計弊羣吏一曰廉善二曰廉能吏亦貴有長材哉漢宣帝曰與我共斯民者其良二千石乎言其於民甚親而施澤易究也自陳疊以下皆以民牧著聲而抑強鋤梗討叛禦寇防毖于無形指畫于營機臨危應變捷出如神若陳爵之登舸諭賊張壇之單車欵盜謝彬之設法懸賞王良之招撫逃移與兩京龔遂之治渤海寇恂之治潁川若合符節先賢謂明不亡於寇而亡於守土吏以金幣犒自成獻忠又從而護之出境倒持太阿授賊以柄若有



陳張謝王其人在焉衆志成城重以金湯亦何土崩之足患歟

陳孟貞 或 朱珩 戴泰一 顏寶

王昇 蔡浩 鄭和 俞文 楊叅

戴琇 林謙 許潛 判 徐弼

陳璜 鳳 趙渾 陳彛 周振

杜表 謝傑 張觀 顏階 張賀

洪哲 陳令 順之 鄭要 葉壘

林憲 趙範 王學孝 唐文燦 蔡應科

吳道邇 吳宗熹 陳九德 黃季成 李時啓

漳州府志

卷之三十六

人物三

友

陳奇可 陳維貞 劉庭蕙 林明順 李棠

張一棟 陳錦 林騰 蔡方平 柯彥

李瑞和

陳孟貞龍溪人宋正獻公俊卿之後洪武二十二年以茂

才薦廷試第二人授知州轉河東鹽運使司永樂六年

召赴京尋知金華府九年疏請還家洪熙元年詔賜月

米一石終其身年九十卒居官廉潔始終無玷姪或永

樂三年由應天中式亦以公勤明恕稱或子舒自有傳

朱瑤龍溪人永樂元年郡守錢古訓以耆老薦授鄒縣知

縣公勤廉幹賦役均平秩滿邑人奏留者再卒于官爲



築墳立祠而歲祀之

戴泰一龍溪人性行敦篤永樂元年以茂才薦授和州知州恪慎而能有爲以事被誣已而辨明改知均州二十年卒于官

顏寶龍溪人未樂丙戌進士知四會縣溫厚公正寬猛得宜奏除詭名田糧九百餘石復奏除鄉民鹽鈔一十二萬餘貫尤加意學校新其廟宇至於橋樑圩岸之屬亦悉意繕治當道交章舉薦循聲播于嶺南

王昇字日初龍溪人永樂甲申進士選庶吉士授安福羅田令俱有惠政補平涼府推官陞大理評事歷左寺正多

# 漳州府志

## 卷之三六

人物三

九

三百七十二

所平反以楊文貞薦知撫州府爲政一以惠利爲本重學校興禮教年饑捐俸賑濟全活數千人九載當遷撫郡民詣闕借留朝廷乃加秩三品使復任以從民望二年以疾辭歸初昇爲郡諸生教授陳思賢被逮倉皇赴京私以白金寄昇無有知者思賢死昇遣人齎金歸其家子彛別有傳

蔡浩龍溪人正統甲子舉人素與邑博士劉哀有舊哀寄百金歸家浩計偕北上至三山聞哀訃而金適至卽奉金以歸其孥或告曰試期已迫勿自誤浩曰功名事得之有日朋友死生之際安忍相負後知瓊州府興利除



害愛民如子瓊人思之嘗爲御史亦伉直有聲

鄭和字肅離龍溪人正統十三年進士授戶部主事管天津倉出納有法陞郎中與修英宗實錄陞雲南布政司叅政所至備詢民隱因俗爲治滇人頌之奉表入京卒於旅舍和天性樸厚與人言若不出口自奉淡素無異儒生事繼母以孝聞見人善稱揚不置聞人惡閉口不談人以是稱其長者

俞文字懋學漳浦人正統間應貢入國學遭喪歸時閩寇縱橫村落居人皆入城邑文獨爲父治塋于西峯之野會大帥統兵至儒冠謁轅門抗言王師吊伐請戢兵無

## 漳州府志

### 卷之三十一

人物三

三

四百零七

暴掠帥然之景泰癸酉謁選授常州府照磨廉介正直監司有不決疑獄檄文治之民有夜懷金入謝者麾使去亦未嘗以語人督漕徐淮間峻却常例金在任八年疏乞歸吏民攀留醵金爲贖文覓小舟夜亡去家居蔬食怡然自樂鄉人士相與號曰正菴先生毘陵祀名宦楊叅南靖人景泰元年舉人授江西南豐知縣講學好古清勤自勵一毫不苟取于民入覲遂以母老辭歸時已遷貳守矣竟不就母沒廬墓三年家業蕭然足跡不入

公門

戴琇漳浦人成化十年貢卒業成均選松江通判訓民莖



埋以禮撤淫祠十餘所汰僧道偽牒百餘人使民急於公賦又以漳晒鹽法教上海灶戶俾鹽課早登歷任七年卒于官行李蕭然民廟祀之

林謙龍溪人成化元年舉人任盱眙令廉平不擾捐俸賑饑凡緩贖悉報上官貯之庫毫不染陞高唐州同知盱眙舊民相率往問使君安否在州尤多惠政致仕歸卒于家祀盱眙名宦

許潛字時昇漳浦人

今詔安

成化四年舉人知平樂縣加意

學校復招撫洞獠以省戍卒聽斷公明爭訟頓息居官囊無餘積卒于官子判孫遷俱舉孝廉以清白世其家

## 漳州府志

### 卷之三六

人物三

三

三百九十八

判字資黻通判瑞州嘗舉推科中撫字刑罰中教化二語以為名言時時誦之擢貳辰州州雜蠻苗稱難治悉心綏撫皆服其教治嘗輯家禮援引諸書相發明而以儀禮為要歸作禮圖又有慎終集歐蘓譜例古深衣訂皆可傳

徐弼字良佐漳浦人成化庚子舉人授海陽知縣政尚仁恕脩復陷潮大堤以興民利改保昌為民蠲無徵米千餘石當道累薦遷梧州府通判時逆瑾用事恨弼不為賂勒令致仕後瑾敗起判漢陽攝府事修廢舉墜以德化民民有江水江月之謠擢廉州府同知踰月卒弼性



勁直不能詭隨以冰蘖自持卒之日發其篋得德政錄若干卷而已

陳璜字朝貢龍溪人成化癸卯舉人授江西樂安訓導遷浙江龍游教諭嘗與脩憲廟實錄歷任廣西順天廣東同考官所取多名士擢廣西全州知州陞廣州府同知剽繁治劇綽有能聲擢南京戶部員外郎過家省親卒子鳳揭陽教諭

趙渾字伯全漳浦人成化十七年進士歷戶部郎出知雲南思恩雷州三府廉介自持決獄無冤遭劉瑾之禍致仕歸家四十年不問戶外事年八十餘卒

採閩書及縣志補入

# 漳州府志

## 卷之三

人物三

三

四百零六字

陳彛字篤倫號淡軒弱冠廩于庠成化八年貢入太學為高第生選授惠州府通判值寇亂職當率眾往捕單騎彛獻勸諭之寇帖服患頓息又值歲荒議發預備倉以賑上官允其請不足以已金繼之全活甚眾勞於民事因致疾擢雲南通安州知州未行而卒

周振南靖人宏治元年貢授香山訓導素行敦篤在香山日捐俸脩葺杏壇構樂育亭以聚徒講授陞感恩教諭

致仕歸日以禮義訓其鄉人

採縣志補入

杜表字廷標平和人宏治八年舉人知金谿縣清慎誠慤愛民如子正德壬申江西巨寇攻城表樹木柵募勇



設方畧與民守之邑賴以全丁外艱服闋補令海豐加  
意撫綏流移復業後遷廣東都司經歷以母老乞歸養  
卒于家

謝傑字洵卿龍溪人

今海澄

宏治丙辰進士知泰州敷政平

和不苛不縱嘗築金堤四十里以通水灌田尤崇學政  
建學宮增齋舍不費公帑擢南雄府同知

張觀字國賓龍溪人正德二年舉人授休寧訓導以材望  
知柳州執法嚴明存心寬厚時民苦旱觀自責步禱甘  
澍隨應歲饑發粟賑之境有巨寇設法督捕州民獲安  
丁內艱歸絕意仕進居家孝友睦族母死貧不能喪郡

# 漳州府志

## 卷之三十六

人物三

三

守孫公裕給地捐貲助之

顏階字崇升龍溪人格之孫幼孤力學行誼有聞正德中  
以鄉薦授香山教諭首建遷學之議毀淫祠爲社學嘉  
靖初與修武宗實錄擢貴州印江知縣都御史徐問疏  
其治行第一陞楚雄府同知擢南京戶部員外郎致仕  
歸家杜門不出清謹自持以名德爲鄉邦推重有文集  
若干卷行世

張賀字國儀龍溪人

今海澄

正德五年舉人授寧海教諭遷

松陽知縣政尙清簡不爲煩苛修廟學建橋梁節公費  
均徭役聲稱蔚起丁父憂歸築海堤爲民興利及倡募



義勇以遏流賊鄉人賴之服除補景陵縣甫半載以忤當道改永州教授卒於官祀松陽名宦

洪哲字用晦龍溪人正德丁卯舉人初任金華教諭遷知祁門縣扶善遏惡民愛之如父母擢紹興通判革常例築海寧堤岸民以為德署篆餘姚遷潮州府同知告歸修宗譜增置祭田捐已田以贍其兄迎養二女兒二十一年塋外氏不能舉者數喪鄉人稱為長者

陳令字汝申龍溪人今海澄正德丙子舉人為廬州別駕為

民興利除害以剛直忤上官調江西斷事尋判潮州值漳大饑資潮粟以濟潮民相約閉糶令力請於當道開

### 漳州府志

### 卷之三十六

人物三

三

其禁漳民賴以活者無數羣勒碑於縣門及致仕歸修墳墓建祭田立大小宗祠以祀祖先設義學以訓鄉之子弟卒祀廬州名宦令有子曰順之知荆門州亦以廉

明著績州人特祠祀之有禱立應至今猶朔望頂禮弗

絕也採聞書及縣志補入

鄭要字武階海澄人以乙榜為學官歷東陽雲夢興寧三縣令簡易近民而中極精敏其在東陽被調也邑人詣闕乞留者再去雲夢三年復取道故所部吏民遮道送迎釀金為贈一無所受立祠祀焉

葉壘字世黽詔安人少孤力學博洽羣書正德十六年進



士上書乞追母服廬墓三年授南城知縣有惠政陞都察院都事轉經歷時鄉人奏設詔安縣廛在京師有力焉陞河南僉事歷廣西叅政以年老致仕先是詔安版籍爲漳浦胥吏舞文遺害甚劇廛率父老詣府白其事竟得改正鄉人德之

林憲字士從方伯同之孫也應嘉靖二十八年貢授南國子監學正出判撫州有宦家女許字諸生金節尋悔之謀絕昏節訟諸官宦家納金五百於憲請勿竟其事憲佯諾及對質出所賂金勸之曰而悔昏嫌婿貧耳今以餽金子婿可無貧命於公堂成禮而歸之後節貴來守

## 漳州府志

### 卷之三十六

人物三

五

四百零八

漳南道憲已卒追感舊恩爲襄其葬事

趙範字範之其先故宋之宗室也隆慶五年登進士守無爲州置學田贍貧士調磁州有岐麥芝草之瑞陞戶部郎督餉鴈門事集賜兼金文綺擢温處道捐俸興水利以資民大風雨恐暴漲壞堤自出行水船覆漂流數里許得枯柳挂所着馬尾巾而止一老隸踪跡拯之得不死其急於民事如此以親老致政歸遇歲不登多方設賑全活數千人

王學孝字欽求龍溪人昇五世孫也領萬歷癸酉鄉薦授定遠教諭丁內艱服除補蕭山教諭以古道倡率諸生



陞衢州府推官署郡縣事清操愈勵歲餘親履閭巷設法施粥勸民平糶所全活甚衆以外艱歸服闋補高州理攝郡事時苦旱齋心步禱烈日中夜則燃燭視事過勞作疾遂乞歸家居孝友嫻睦鄉族化之事繼母尤謹云

唐文燦字若素鎮海衛人幼穎異有神童之譽年二十五登科生平工徐庾體選中書直內閣撰文國家策命誥勅多授簡焉隆慶戊辰成進士授行人稍遷至員外郎監山右鐵冶廠斥諸常規忤馮璫意後爲滇南僉事道安輯土酋璫乘京察囑權貴人抑之左遷宿州通判尋

# 漳州府志

## 卷之三十八

人物三

三

四百四

改池州訊獄得情人稱神明蔡夢說持斧按部其境薦諸朝入補戶部郎出爲廣西觀察使值歲歉文燦設策以賑全活甚衆民立祠祀之未幾乞休卒年七十九著有享帚集若干卷

蔡應科字思成登隆慶戊辰科進士起家瑞州推官萬歷末以右副都御史巡撫廣西禁文武將吏不得納土酋金幣土酋非有故不得擅入鎮城凡官以訟牒追呼及聽細人言驚擾百姓者有罰交州流寇犯欽州將出師應科誓諸將曰交州小醜壓以大兵卽盡敵築爲京觀易易耳所貴不妄殺一人是役也招撫多者以擒賊功



論殺降誅良者無赦諸將皆如約交人喜如更生縛首  
禍三人以獻賊平卒於官贈太子少保賜祭葬從福建通省志  
增

吳道邇字學平龍溪人生三歲而孤英慧異常兒年二十  
七登隆慶戊辰進士令慈谿邑毗姚江引杜湖白洋湖  
水以灌田姚江民私之互爭訟之官久不決道邇爲建  
二閘兩邑之人俱資灌溉焉訟遂息入爲戶部主事以  
祖母喪歸服闋補刑曹矜慎庶獄出知襄陽府襄陽楚  
大郡故難治當是時宜城棗陽二邑巨猾爲寇恣睢亡  
忌特授方畧擒靖之襄沔間水災發倉以賑均州下丈

# 漳州府志

## 卷之三十六

人物三

三

四百零八

田之檄民貧且徙力持不可雖忤當路弗恤也歷三年  
著循聲陞廣東副使璽書至迎歸至廳事前忽疾作卒  
方道邇之少也母病熱非竹瀝不療居家紫泥洲中舊  
無竹亟破浪披荆棘覓竹有曳以歸療母病立愈宦留  
都母家居侍祖母祖母年八十餘矣請急歸省送終如  
禮比入都苦沍寒不敢迎養居常鬱鬱弗樂迨出守南  
方捧檄而喜疾之作也懔然曰負老母矣長吁而逝年  
僅四十有四

吳宗熹字伯焜南靖人幼有奇才年十九舉于鄉連登庚  
辰科進士授海寧令以儒術飾吏治拊循惠愛獄訟衰



息然性醇實不能曉上官色竟爲當事所中改教景州  
尋遷國子丞再遷工部主事大司空曾公同亨嘉其才  
守辛卯主試粵西所錄多名士還朝請休沐抵家而卒  
年方三十有二

陳九德字楸夫鎮海人萬歷癸未進士爲秀水知縣挾兩  
蒼頭以往催科不尙鷙擊治獄得情旁邑慕其清正皆  
願質成以積勞成病卒于官百姓哀其貧爲捐貲治喪  
祀名宦

黃季成漳浦人萬歷己丑進士授東陽令邑民素健訟季  
成平心研鞫兩造曲直盡得其情刁風頓息以外艱歸

## 漳州府志

### 卷之三六

人物三

天

四百零九

服闋擢爲工部主政分筦鑄造局局故繁瑣而利實百  
孔季成一以淡泊處之嚴飭家人禁絕常例卒之日橐  
如懸磬天性怛夷廉而不斲去東陽已久而民益思之  
李時啟字正甫平和人登萬歷丁未進士授江西新喻縣  
令民苦徵輸多逋逃時啟至給農具勸之耕凡錢糧官  
解不以擾民民德之擢戶部主事丁內艱歸服除補浙  
江司出權稅泝墅關商人咸被其惠遷郎中出守常德  
府當滇蜀之交時黔省方用兵民苦饋糧時啟請改折  
色就近採辦軍糈士飽而民不勞擢雲南副使魏璫方  
弄權時啟移病乞歸璫敗廷論錄不附璫者授浙江叅



藩以異之

陳奇可字仲卿鎮海人自爲諸生時慷慨鯁直常赴人之急萬歷辛卯歲薦選授饒州府通判兼理審捕時中貴人潘相方橫諸奸多盤據奇可一繩以正燒造夫役之費悉從裁減璫啣之會入都署事數月璫鞭撻鎮民不勝毒楚遂衆噪焚廠奇可適於是日抵鎮噪者復大呼曰無驚動廠東陳通府也璫益愧且怒遂中以鼓衆倡亂奏入詔遣官校逮之兩臺交章論白竟下錦衣衛卒于獄同鄉太常陳以珪倡義經紀其喪海內聞而哀之陳維貞字念蓋龍溪人萬歷甲辰進上授戶部主事奉差漳州府志

卷之三十八

人物三

完

四百〇六

鈔關河曲加惠商旅革陋規以忤權貴謫肥鄉令再謫鎮江府廣文擢國子助教卒

劉廷蕙字雲嵩漳浦人生五月而孤母陳氏茹苦撫育萬歷庚辰成進士授新昌令邑有虎爲文祭之虎越境去歲旱開渠灌田民賴以濟陞廣西叅議時沙郎不賓庭蕙以數騎直入其地諭以大義皆革面督學滇池大得士心後以冊封事與僚佐爭論不合解組歸庭蕙性至孝嘗伏闕叙母艱貞有人母哺兒以乳臣母哺兒以血臣登科第母不及見臣沾升斗母不及養等語神廟可其奏立坊旌之著有一畝宮存稿



林明順字孝臣海澄人性剛介人多憚之登崇正庚辰進士授廣東翁源縣調繁增城署東莞陋規革除殆盡三邑民祠焉東莞多盜明順肩輿入賊壘爲開諭禍福賊留之三日民以爲將危之也輸金贖之而賊已擁令輿至矣乃以其金分脩學宮整治橋梁行取除御史奉勅典試粵西經故治父老歡迎擁道鼎革後隱郡北桃林不出

李棠字英芟平和人萬歷乙酉舉人授長寧令會礦使憑陵立置不法者于獄旋攝興陵多奇政遷衢州判秩滿擢留都治中脩社學理學田他如鹽法鑄錢之類絲毫

## 漳州府志

### 卷之三六

人物三

三

四百〇三

不染其卒也祀名宦

張一棟字任甫平和人萬歷丙戌進士初授新興令調繁番禺直指蔡夢說首薦之道經省城以不謁巡撫因摘其途中責驛夫事以輕躁揭之遂掛部議改徽州府教授未幾遷南京助教與祭酒楊起元較刻十三經二十一史進推南戶部秩滿轉郎中未幾出守平樂時平樂礦璫方春藉取礦遍蹂民田一棟杖其黨羽而遣之踰年左遷補兩淮運同疏陳鹽政甚悉旋轉守肇慶丁艱歸乃築別墅于南山之陞悠然自終祀平樂名宦

陳錦字端實漳浦人萬歷癸未進士家貧乃學性純樸不



苟言笑亦不輕毀譽人嘗師事朱淡菴步趨必飭淡菴  
每稱之令海康醇謹如儒生政尙廉平務在安全斯民  
而已稍遷刑曹郎久不調宦况蕭然處之坦如擢松潘  
憲副率屬撫民頌聲四起卒于官萬里歸櫬鄉人哭迎  
之數十里外

林騰詔安人萬歷三十四年以貢任惠安訓導學問淵深  
性資介直其自許不屑爲今之人立教一以蘓湖爲宗  
矜名節重行誼其於義利之辨尤嚴卓然有古君子風  
時學舍頽壞騰捐俸薪之陞淮州府教授致仕歸

採惠安志

蔡方平字君衡詔安人少孤恆於百里外授徒負米以歸

## 漳州府志

### 卷之三

人物三

三

三百七十二

養祖母及母萬歷六年以貢授淳安令歲饑民嘯聚方  
平乃請之上官發倉賑之先是邑有流人被誣爲盜自  
伏罪更數令無異辭方平至得其冤狀釋之然竟以廉  
直左遷卒祀淳安名宦

柯彥字君求龍溪人崇正戊辰進士初授合肥知縣爲水  
門引河流灌田民賴之補任進賢知縣陞戶部主事轉  
員外纂脩漕務實錄外遷湖廣按察司簽事未赴任卒  
彥性孝友淡泊自處公庭絕迹無請托

李瑞和字寶弓漳浦人崇正甲戌進士豪邁不脩邊幅爲  
治蕩滌煩苛簡易近民初任松江司理時知府方岳貢



政尙嚴肅瑞和濟之以寬在郡七年見松江府志名宦傳尋拜監察御史巡視中城奉讞陳新甲獄稱旨視鹺兩浙革除夙弊丁外艱歸家居四十四載每歲歛輒平糶濟荒且周其貧乏浦人德之所著有牆東集學夫詩黃道周爲之序

前志論曰國僑有言惟太上能以德服民其次莫如猛而自漢以來史氏以循良立傳何歟治亂民須用嚴治良民須用寬國僑之言爲鄭也吾未見鷹鷂之勝鳳鸞也故因前志所紀而廣之詩曰愷悌君子民之父母

# 漳州府志

## 卷之三

人物三

三

三百三

唐 秦 陳真晟 林 雍 周 瑛 大謨  
蔡 烈

唐秦字師廓長秦人資稟穎異讀書一覽輒成誦兼治五經尤邃於易登永樂十三年進士授邠州知州有惠政後以儒學辟召御試文淵閣賦麒麟頌明倫論稱上旨欲大用之會駕北征遂乞歸侍養四方之士受業者日衆乃築草舍百餘間以居之隨才誘誨皆有成就如陳布衣真晟謝侍郎璉林脩撰震陳考功壘皆出其門嘗著思誠齋銘云大鈞運化品物流行賦之實理人惟物靈惟靈之思心爲神主感物而動慎思爲美心源所發



善惡之機猶象化物禁止自欺靜無妄發動無顛躓真積力久化而誠矣卒于家學者稱爲東里先生

陳真晟字晦德改字剗夫鎮海人以布衣自號學者因稱爲布衣先生骨格高聳神氣肅清弱冠卽知自拔于俗入武安山中從進士唐泰學赴省試以有司防察過嚴無待士禮遂辭歸不復以科舉爲事專志正學初讀朱子大學或問知敬乃大學之基及見程子以主一釋敬以無適釋一始於敬見得親切其學在推尋心之動靜而務主於一嘗語人曰大學誠意章爲鐵門關最難過主一二字乃其玉鑰匙也又曰人於此學若真知之則

## 漳州府志

### 卷之三十八

人物三

三

四百三十五

行在其中矣天順三年詣闕上程朱正學纂要其書首採程氏學制次採朱子論說補正學工夫次作二圖一著聖人之心與天同運次著學者之心法天之運次及立明師補正學輔皇儲隆教本數事以終圖說之意書未上先上疏乞名見面陳其說不報及書上得旨看詳以聞時侍郎鄒幹掌部事漫不知其說云何事竟寢已而家居讀頒行勅諭教條喜曰此學校正教也然學校雖崇正教而科舉不定正科雖有正教不行也因採勅諭中要語參以程氏學制呂氏鄉約朱氏貢舉私議作正教正考會通定考德爲六等考文爲三等各有案例



可據而行又纂長書告當道皆不能推行其說其事亦寢真晟學有所得者皆無所遇聞臨川吳聘君名欲往質之乃貨其家之直得五金携兄子一人而行戒之曰我死卽瘞於道題曰閩布衣陳某墓足矣行至江西張元貞太史禮遇之扣其學所得大加稱許曰貞敢僭謂斯道自程朱以來惟先生得其真如聘君者不可見亦不必見也遂歸與莆人李文舉諸先輩講行文公學約以正風俗真晟生于鎮海遷于龍巖晚定居于漳之玉洲卒年六十有四後三十年學道姚鎮知府陳洪謨入鄉賢祠真晟平日不爲文字之學有布衣存稿刻于

# 漳州府志

## 卷之三

人物三

三

四百二十九

### 郡齋

林雍字萬容龍溪人景泰五年進士授行人以母老乞歸養終喪畢起就職憲廟初政雍上疏勸脩德格天親賢講學以圖長治久安之計遷行人司司正首勵清操名動一時遷駕部郎中乞歸命下忻然就道長安縉紳大夫皆相與歌咏送之爲司正時嘗上疏言周惇頤程顥程頤朱熹其學皆大中至正純粹至善可以興起斯文而當道統之傳宜進而上之列於顏曾思孟以爲八配又言陳淳德行道術純正無疵而有衛道之功宜從祀兩廡或有司設立祠堂春秋祭祀以立士行敦風化疏



上不報士論躓之雍乞歸乃謀之林僉憲克賢姜郡守諒建祠祀北溪先生于芝山之麓結屋龍山日與其徒講明正學以朱子爲宗又脩藍田呂氏鄉約月爲一會與鄉人相規勸累徵不起年七十五卒于家葬龍山之陽雍與布衣陳真晟同時相師友布衣之學雍契之獨深布衣亦稱其學始終本末有序有要督學周孟中稱雍居官冰蘖未老乞歸清風高節海內仰之漳士大夫講學明道者率遵雍之教稱爲蒙庵先生

周瑛字梁石其先莆人父調戍鎮海因家焉蚤歲博覽郡籍鈎深探蹟登成化五年進士授廣德州知州興文教

# 漳州府志

## 卷之三十六

人物三

三

四百三十三

絕淫祀嚴生女不舉者之禁其後民育女者皆呼曰周女陞南京禮部郎中出知撫州府改鎮遠府滿考歸省時三原王端毅公長吏部卽家起之爲四川叅政尋轉右布政使丁母憂服闋乞致仕給事中楊廉等交章薦瑛學行竟不出瑛未第時受學于陳真晟尊嚮而篤信之及舉進士與陳白沙獻章同郡林雍相往來見朱子語類抄讀之奉書真晟云從此用功當有見處真晟與反覆論議多所開發故瑛于書無所不讀而每辨析精微洞見原本嘗自云某於居官行已知畏天命凡事每自檢於心求合於天而人有不及知者矣瑛自得第後



歸于莆正德壬申知府陳洪謨聘修郡志其著述浩博有經世管鑰律呂管鑰字書纂要金陵金臺等篇所修有廣德志蜀志漳志及莆陽拘史年八十九卒學者稱爲翠渠先生鎮海人以瑛名德老成合祀于布衣祠子大謨進士

蔡烈字文繼龍溪人少廩于庠從晉江蔡清學與語大悅比歸授以蔡氏太極圖解又受學于陳茂烈語以心體流行于日用間要常見得參前倚衡氣象烈大省悟遂辭廩隱於鶴鳴山之白雲洞學者稱爲鶴峯先生時年三十二太守潘旦愛其文勸之仕烈曰昔開云未信若

# 漳州府志

## 卷之三十八

人物三

三

四百二十一

某則未見也其學一宗程朱以窮理力行為實主敬爲要終日危坐無惰容嘗爲海寇蘓世浩所獲月餘恭敬不懈賊異而歸之事母盡孝立宗祠修家禮通俗儀節督學邵公銳聞其名請見之談論終日蔬食相對甚歡嘗遊武彝山居考亭精舍數日而歸曰脚跟自此定矣嘉靖癸巳詔舉遺逸郡守陸金以烈應詔烈嘆曰是無爲終南捷徑乎力以母老足疾辭自是益杜門簡出惟以問學來者與言終日不倦直指李元陽檄府以百二十金爲建書院辭不受廵海道柯喬嘗談道體潛天潛地烈徐應曰道固察乎天地而端則始于夫婦若屋漏



無愧則天地自位學士豐熙戍鎮海時住雲洞半載款  
曰先生不言而躬行其心醉矣督學朱衡稱曰力行好  
學老而不倦漳南又一布衣也所著有孝經定本大學  
格物致知傳道南錄朱子晚年定論諸儒正論大儒粹  
言讀書錄諸書凡若干卷

前志論曰學貴於知要心有主則不紛於外物布衣  
以主一為要故能脫去詞章功利之習觀其所著圖  
說本末燦然矣東里思誠翠渠檢心蔡氏文繼不言  
而躬行蒙庵所學不傳著書亦不及見然布衣稱其  
始終本末有序有要亦非無本者矣自安卿師紫陽  
倡道海濱至明而大儒繼起或淵源相接或羽翼互  
持清漳之學於斯為盛矣

# 漳州府志

## 卷之三十六

人物三

七

四百个字

劉宗道 陳文輝 林弼

原功

劉宗道名駟以字行龍溪人少往三山從趙彥進遊修程  
氏之學洪武十年以秀才應召時廷對八十餘人宗道  
對策居第一上命直學士詹徽察諸儒中特異者徽以  
宗道居德行科遂與同時趙肅申甫皆以布衣侍坐共  
論治道尋拜都察院左都御史時有狂人入御座詔求  
直言宗道條上格君心澤民物二十事上嘉納焉自是  
每侍食華蓋殿議大政多譏切遂為邵質董希賢所劾



徒南詔不久赦還所過都邑持之宗道因遜於播州以  
待朝命之定上疑宗道久不至命索于家都察院取其  
父寶詣京面對寶往滇索宗道至蘭亭以憂卒後有詔  
復取隣戚命與朝使索于蜀于詔務得宗道乃止門人  
陳拯至播州遇宗道告以父故宗道哀不自禁至武昌  
赴水死宗道之學以禮爲宗凡修身教家以及于鄉率  
以禮鄉人稱爲愛禮先生著有文集十卷

萬歷元年郡人公舉愛禮

祠于芝山之麓春秋祭其後有挾讐妄訾者祠議撤以其地爲火藥局公論憤惋會有震燬之變萬歷二十五年始復祠祀

陳汝輝字耿光將軍元光之後也幼通儒學于書靡所不

### 漳州府志

### 卷之三

人物三

三

四百四十三字

窺顧常有志年稍壯南遊于越北抵燕臨衡陽溯瀟  
湘洞觀世事之變而歸隱于越明太祖之渡江也屢徵  
不應太祖既平天下乃以經明行脩應詔群臣較學行  
汝輝居第一時朝廷法律森嚴同進者咸悚懼乞歸惟  
汝輝條陳十事詞氣英爽授禮科給事遣視蘓州民瘼  
吏弊汝輝還奏吳松閬數千里之地墟港所泊食物各  
有征稅此皆承元污政未盡更刷乞宏大學士財之規  
體孟子仁義之訓一切掃除之又疏言古來文武並用  
所以靖禍亂綏太平也今縉紳縑流雜名同事勲舊思  
去讒間時加劉基徐達之見疑李善長周德興之



視蕭何韓信之危相去不遠府生太學生之斥視宋諫  
檜貽譏之逐能幾何哉伏願自腹心耳目以至啟行喉  
舌之司皆處以德行文章之彥則天下之賢才可收而  
治功可成復承制論政請法程顥所陳十事上以為迂  
而不用也汶渾因自劾上復不許未幾補大理丞屬有  
張廉使李知府之獄因言二人非有大過惡人才非旦  
夕可致須念得賢之艱少施愛惜旋復奉詔卹刑山  
及浙江歸轉本寺少卿李善長之獄也汶輝嘗力爭之  
及善長死太祖乃思汶輝疏遣內臣召入賜宴厚賞  
及其三子頃之山東張憲使某不奉勅諭鞭笞內戚太

# 漳州府志

## 卷之三十八

人物三

三

四百五三

祖欲置以大辟汶輝封還御旨太祖怒遣指揮押赴刑  
部汶輝憫直道之不行也過金水橋賦詩一章自投橋

下而死

詩曰執法不知公論是全軀惟賴聖心  
仁闕河萬里扶歸日碧草瑤沙亦帝恩

太祖葬

亦悔之乃自為文諭祭賜葬於鳳皇山汶輝年九十餘  
竟以直節死所著有南臯集若干卷

輯縣志  
增改

林弼初名唐臣字元凱龍溪人元萬戶府經歷廣發長子  
也至正丁亥領鄉薦戊子登第仕為郡幕官元亡歸而  
著述洪武二年以名儒徵與宋濂王禕曾魯同等同脩  
元史

一云公脩禮樂志不與史事  
故弇山堂別集所載無公名

尋拜吏部考功司主

事使安南王與從官贈金為贖郤不受安南王遣使進



賀裴其金以請于朝上曰外國敬天子使禮宜贐中國  
使奉天子命行宜却却贐兩盡其道亟令還國遷豐城  
令被誣繫逮上曰是嘗不受安南金者耶置勿問改饒  
州通判適安南荒亂朝廷難其使言官咸薦弼乃復使  
安南靖其國以歸擢禮部郎轉吏部出知登州登民服  
教化焉卒於郡弼博洽群書善書工詩文晚乃究心濂  
洛關閩之學嘗曰學不聞道博無益也故所爲文必根  
極于理著有梅雪齋文集使南集詩經解義宋儒會解  
行於世第原功名虞臣以字行洪武中由明經薦授本  
州訓導陞國子助教丁內艱歸遂不復出嫻詩文與兄

# 漳州府志

## 卷之三十六

人物三

罕

三百五十九

### 弼齊名

前志論曰劉陳當勝國初造之年起布衣叅朝政稱  
遇主矣乃遭讒被逐直諫逢怒說者謂開國之初已  
釀嘉靖天啟之禍則貽謀之不臧也然子死孝臣死  
忠兩人有餘榮矣元凱文章治行卓卓可觀遭時鼎  
革使後之君子欲繩以洛邑頑民之義則亦元凱之  
不幸哉

鄭深道

嘉

林祺

九臯

許鯤

陳昂

邱原高

陳鳴球

潘鳴時

高琅

施仁

三畏

高則賢

薛士彥

林邁佳



陳祖虞

鄭深道名文元以字行龍溪人洪武丁卯領鄉薦明年會  
試不第被旨視兩浙鹽運司獄廉得數人非其罪出之  
比還其人懷白金尾舟後以謝深道峻却之授程鄉學  
教諭遷寧波府學教授嘗應聘典順天湖廣江西廣東  
四省文衡未樂末陞司經局校書時仁廟在邸屢承諭  
問稱旨召入侍經筵讀書制詞以學問老成操履清慎  
褒美之授梁府紀善正言讜論輔益宏多年七十求致  
仕上許之乃徜徉雲水間飄然自適嘗與郡守錢古訓  
建南坡夫子廟塑先聖及四配像又作文公像建書院

漳州府志

卷之三

人物三

聖

四百〇四

于廟左扁曰觀瀾歲延師教鄉之子弟正統間鎮海衛  
生徒請本衛立學乃延深道主教事著有存養輯畧棲  
遲集等書年八十二卒贈太子大傅

隆慶庚午御史陳紹穆郡守熊青雲

奉詔建坊脩祠額曰師臣家廟

子嘉宣德己酉舉京兆補信宜教諭善啟誘諸生尤致意  
文公家禮曰此脩身齊家矩範也試銓曹得趙府長史  
以正匡王王雅整之成化改元進階朝列大夫風裁嚴  
重有父風

林祺字子祥龍溪人邑庠生少豪宕不羈已乃翻然悟收  
斂身心日就規矩祁寒暑雨手不釋卷從父同家多



藏書祺讀之殆遍尤喜著述續朱子伊洛淵源錄集南軒東萊象山諸先生行事與朱子敘論名曰考亭麗澤錄又泝朱子以上若豫章延平諸公以下若蔡西山至許謙諸君子集其行事爲考亭源流錄以高東溪風節之高陳布衣學術之正嘗取東溪遺事編錄名曰遺澤淳祐志八閩通志名賢文集稍加增損著漳獻備忘復索諸家文集著漳文備忘又考歷代君臣賢否政治得失孔門弟子及先儒門人所造高下編次成帙名曰古今指掌錄年三十六卒當疾革戒無厚殮預遷正寢示

## 漳州府志

### 卷之三十六

人物三

聖

四百三十四

不死婦人之手周翠渠瑛云祺勞心涉獵著述太早未知於涵養本源何如然於正學知好之亦正學之徒也子九臯字士巖惇德尚行爲世坊表主教芝山鰲峰奉程朱準的以引進後學嘗言朱子集群儒之大成是合顏曾思孟周程張邵爲一人者學者以爲知言

許鯤字景運天資聰慧文章行誼爲衆所推登成化賢書與蔡清同榜鯤慕其遠學每過從講論清目爲醇儒任分水教諭稟性剛方不肯阿媚父思微手書胡安國傳以誠勉且曰汝勿謂官卑學校賢才所自出朝廷造士之責重大吾懼女之弗稱也鯤益正師道勵名節無所



苟卒與縣令忤拂袖而歸

陳昂字欽顒南靖人篤志力學成化辛卯領應天鄉薦授太常典簿明飭禮樂考究律呂時宮庭慶賀雜用優伶昂進奏云聖誕之晨當備百順以事至尊而養其中和柰何用雜劇乞依孔聖誅侏儒例禁絕之上嘉其論轉太僕寺丞遵定大明通禮陞少卿所著有法夔遺論採縣志補入

邱原高漳浦人年十二補邑庠生磊落不羈父歿遺弟妹五人躬撫養嫁娶之厭棄俗學聞安城鄒東郭吉水羅念庵講學江西徒步從之刻志苦思屢空自如鄒羅二公深許之有悟而歸與同志切磨期以倡明斯道他日

### 漳州府志

### 卷之三十八

人物三

聖

四百二十九

語人曰吾昔憑氣今憑理吾昔信理今信心然後乃知學之能變化氣質也卒東廓志其墓採縣志及癸酉志補入

陳鳴球字舜夫詔安人性至孝兒時卽定省如禮家貧力學不事口耳嘗與湛甘泉論體認工夫謂工夫無處不貫然下手處不可不知甘泉大嘆服之後又與薛中離講明良知之旨證吾心之無二鳴球明千理學而於天文陰符諸書尤為精曉所著道心圖體認要解及欽齋集外有陣圖解其卒也友人林士章題其石曰明處士欽齋陳先生之墓

潘鳴時字徵平海澄人少有大志家貧就外傳樵採以資



學業讀書龍嶺巖得陽明傳習錄讀之有契遂負笈遊  
吳會謁王龍溪錢緒山歸來自以為有得也益聚徒討  
論於本鄉行鄉約積義倉練鄉兵以防不測會五寨草  
寇發所練鄉兵累戰擒之仍挺身入寨諭以逆順餘黨  
悉平戊辰領恩貢入太學歸講徒日衆戊寅判信陽州  
以拂當道報罷逾年而終所著有讀易偶見語錄等編  
門人吳道濂蘓攀等為置租創祠祀於南山寺之東偏  
萬歷三十八年郡守閔夢得允諸生之請春秋以府學  
官臨其祭仍以吳道濂蘓攀配二生循習師訓皆敦行  
君子也

漳州府志

卷之三十六

人物三

四

四百十九

高琅字瑩夫父騏正德丙子歲貢里中推為邃學周翠渠  
瑛之應聘修漳志也自辟所知有學行者分任纂輯騏  
與蔡烈鄭畏預其選焉後官保慶訓導琅幼而穎敏從  
父授諸經日可記誦數千言為文章博深典麗年十四  
補郡弟子員試輒冠其曹伍提學副使姚鏌劉玉咸器  
重之登嘉靖丙戌進士授廣州推官卒祀鄉賢

施仁字近甫龍溪人博洽善屬文顧舉業非其好也講明  
正學以姚江致良知之說為宗巡海道周公延為道一  
堂講師督學姜公檄為五經書院長與同時潘鳴時高  
則賢潘桂芳周一陽稱五賢閩士負笈至者無慮數百



人而仁所誘誨爲多嘉靖丙寅應貢選授建安教諭陞  
龍門令改東莞以母憂歸不復出仁居官崇尚清簡服  
則與諸生講論不輟於義利之介斤斤如也晚益嗜學  
坐次左右經史或見聞善言善事輒手錄之與友人談  
道外無他營年八十九卒所著有建安興學錄復古議  
修證要語及諸詩文多根極理要之言從子三畏亦以  
貢任連江教諭好古力行家庭間自爲師友先仁卒時  
以一門兩道學稱

高則賢龍溪人貌古行樸動法古人少孤事母至孝父視  
兄兒視兄弟之子居母喪哭泣三年不言如古制性

## 漳州府志

### 卷之三十八

人物三

聖

四百

密善講解嘗持周易本義程子易傳端坐雲洞中一  
始出作易解士人多宗之每督學試士輒冠諸生其爲  
文覃思深至能杼寫其所自得每一篇成士爭傳誦晚  
貢成均萬歷己卯舉順天名籍甚都下

薛士彥字道譽原字欽宇萬歷庚辰進士督學秦楚歷廣  
西雲南左右布政致仕歸作共學堂講學本諸江羅  
氏四方負笈者以百計性勤敏至老不倦少失父伶仃  
孤苦母太夫人嘗夜半焚香祝天願兒成人士彥方讀  
書聞戶外聲驚問之則母也告之故持母泣自是惻惻  
然終其身居鄉有惠德鄉人立碑頌之



林邁佳字子篤詔安人潛心力學從薛欽字黃石齋二先生遊著環中一貫圖說究論天人事物之蘊晚歲張兩玉疏舉學行不出年八十餘猶與同志講易忘倦云陳祖虞字子篤年未三十棄舉子業爲聖賢之學師事丹山張士楷器重之嘗注釋左傳離騷及哀江南賦著葛亭草二集張若化爲之序曰陳子年少於余聞道先於余乃屈而與余兒遊余叩其蘊淵然而品巖然使及見吾師黃文明必大嘉與謂國有顏子矣其傾向于名人鉅德如此

論曰明自成化以前姚江之說未興士皆稟北溪之

# 漳州府志

## 卷之三十八

人物三

哭

三頁十五

教通經明理躬修實踐循循乎上接乎考亭無異師異說以汨之不亦善乎正德以後大江東西以傳習錄相授受豪傑之士翕然顧化漳士亦有舍舊聞而好爲新論者如邱氏原高昔信理今信心之說陳氏鳴球吾心無二之云驟聞其言似直截簡易而近似亂真前修辨之屢矣然其敦行義愛名節居官立朝較然不欺其志視末俗之沉沒于功利聲華相去遠矣故備列之而論學宗旨則不可以不辨有志斯道者知稟北溪之爲是則知從姚江之爲非二代淵源授受亦因之可覘焉



黃文史 李 貞 林 震 林 魁 李 旦

呂 旻 黨爵 林纘振 劉廷蘭 庭芥

林茂桂 蔣孟育 高克正 鄭懷魁 爵魁

陳翼飛 吳 朴 李世奇

黃文史字廷實長泰人少穎悟博極羣書以文學稱洪武二十二年應貢試南畿五經義兼作有司奏違式太祖覽其天下一家論大異之寘第一免會試授刑部主事以言事忤旨貶江西撫州府推官文史撫民以恩而待所屬官過嚴竟為所陷謫戍大同後改漳州衛卒生平著述甚富軼不傳有學碑見南雍文集

### 漳州府志

### 卷之三十九

人物三

三

三百六十五

李貞南靖人志行超群文章華麗永樂十三年及第二人授翰林院編修成祖命儒臣編輯四書五經性理大全貞與焉書成賞勞有差後命修釋氏書辭不赴貶高州府教授卒

林震字敦聲長泰人事繼母至孝家貧力學每樵耕必挾書自隨休卧樹下讀不輟學問淹博宣德五年狀元及第授翰林院修撰太傅楊文敏公器重之正德二年以疾告歸文籍自娛非公事不入郡邑廣藩兩聘主試事稍得人卒于家

林魁字廷元龍溪人宏治壬戌進士自幼博聞強記落筆



多奇旣釋褐益肆力墳典授戶部郎大司徒每有疏議  
咸屬起草武宗欲廢太平倉以賜永壽伯魁具疏力爭  
乃止西僧大乘法主奪民田肆百頃魁疏其不法田竟  
歸民遷鎮江知府入覲上吏部劄子言時政得失擢山  
西督學副使未幾爲有力者所啣調雲南兵備以撫彝  
功陞廣東叅政乞休歸闢草堂於白石村修水利設義  
塚爲德于鄉所著有白石稿歸田錄行於世

李旦字周輔詔安人穎悟夙成書過目輒成誦詩文援筆  
立就辨博蘊藉登正德辛未進士狀元楊升庵才名冠  
一時鮮許可獨稱旦爲博物君子同年李西溪好讀奇

# 漳州府志

## 卷之三十八

人物三

哭

四百七字

書亦云厚齋今之子雲也出令浙之江山有監司責賄  
諸屬邑旦慨然曰是可一朝居乎遽詣臺司請歸閉戶  
攤書縱目山水以自娛作爲詩歌多憫時弔古之作所  
蘊蓄者未及一設施于時士論惜之

呂旻字仁甫龍溪人九歲能屬文郡貳守龍遂聞其名召  
試平閩賦擢管立就大奇之嘉靖丙午鄉薦時尚垂髫  
癸丑成進士選庶吉士授編脩歷遷左諭德爲訾議所  
傷謫廬州通判尋起太僕歷遷至禮部左侍郎以疾卒  
于京旻天性和易不設城府歷數大任無所建白然才  
藻風流正自不可掩云呂之先有崇爵者以孝子稱至



宗述景鳴俱有隱德宗述景鳴自有傳

林纘振字公悅漳浦人讀書過目輒成誦少能文督學周宏祖閱其卷無草稿字復端楷若夙構者心疑之面試入關三道論亦不屬草頃刻立就宏祖嘆曰奇才置第一登萬歷甲戌進士授工部主事初仕卽習典故爲經世資大司農有所奏覆條議必以相屬一時贈送乞言者應之如流水都下修辭之士無不把臂願交者人以爲文工部纘振笑曰余焉能文文士未易爲也司節慎庫中貴人僞傳造象床取庫金萬計纘振抗聲曰上欲取庫金不下大司農而以一貴人傳旨庸知非詐乎中

## 漳州府志

### 卷之三十六

人物三

完

四百二十七

貴人語塞面發赤若無所容纘振迨然徐徐引貴人去人以爲豪工部纘振笑曰余焉能豪豪士未易爲也未幾卒人爲傷惋有海雲館集行于世

劉庭蘭字國徵漳浦人賦才雋穎工古文詞督學胡定校漳試元狩得一角獸論大奇之是歲發閩解與兩都魏允中顧憲成稱鼎立庚辰同第南宮以氣節相慕觀政時上書於座主申時行指畫國家大計尋以父喪歸值御史魏允貞上疏忤旨責判陳州卽以書請於許公國語殊懇激都人壯之未幾卒於家弇州王世貞爲表其墓庭蘭神清骨聳稜稜然不可以非義干中實寬然長



者少與其兄庭芥庭蕙自相師友後先成進士浦人稱  
爲三劉庭芥峻直不阿而多真率隆寒益暑手簡編弗  
輟爲越州守遇事確有擔當庭蕙自有傳

林茂桂字德芬漳浦人萬歷丙戌進士爲詩文下筆立就  
授深州知州一意爲民有控死非命者立往視之雖窮  
鄉刻期至爲屬官所中罷歸家居與戴燦張燮何喬遠  
文酒相命四壁蕭然終

蔣孟育字道力龍溪人幼穎慧日記數千言比長通經史  
能爲古今文萬歷己丑成進士選庶吉士以親老歸養  
結位雲詩杜于芝山挖揚風雅官至南吏部右侍郎

## 漳州府志

### 卷之三十八

人物三

三

四百一十一

高克正字朝憲海澄人八歲能屬文年二十督學胡定拔  
置第一萬歷壬辰成進士選庶吉士館試輒第一授翰  
林院檢討纂脩國史同館疏請冊立克正所起草也會  
二親相繼訃至上疏乞終六年喪癸卯起復典浙江鄉  
試所拔皆名雋復丁大母艱南還屏居不入城市恥干  
謁如禾平庄九都水利事關民隱乃爲當道緩頰里中  
兒姍侮狎至笑謝之了不爲意嘗自書其齋云桑梓之  
地何意氣可以加人名節所關卽錙銖猶若浼已蓋名  
言也爲文博雅駸駸大家卒年四十有六著有玉堂初  
稿木天署草若干卷



郭懷魁字輅思龍溪人幼而慧九歲屬文書過目輒成誦  
貧從人借抄巾笥百數十種詩騷子史竹笈稗經靡不  
淹貫甲午舉京闈乙未登進士謁選司農主北新大軍  
二廨積困絕其樊已移署上供大璫索珠貝睛綠甚急  
懷魁疏曰微臣不能化砂礫爲明珠乞就中裁省十九  
言激衆危之明日旨下減十之三尋告歸于芑山之陽  
結吟社築葵圃著述其中友人強起之乃赴部大司徒  
指其名曰嘗抗疏省珠費者也旋出守括州安其風土  
聽斷甚簡郡故乏科第乃多購書授諸生躬爲課督有  
芝生于學宮之桂樹是歲括郡舉鄉薦者三久之備兵

漳州府志

卷之三十六

人物三

五

四百十六

三衢設戈艇以偵賊商旅便焉持大體遇冤獄多平反  
是年浙東西大水發衢婺粟賑之已酉中飛語遂拂衣  
歸所攜唯舊書數篋奉母極歡撫諸弟各有成立爲文  
博奧尤長于駢麗所著有葵圃集渡江小草農臣暇筆  
蓮城紀詠弟爵魁

爵魁字瓚思幼從兄學懷魁結社漳江與里中張紹和同  
郡王志遠輩名爲七子爵魁游諸公間日承指授學大  
進詩古文詞俱成體紹和嘗稱之曰此君家公敏也志  
遠亦言季鄭才雋如軾之有轍舉癸卯京兆仕至薊州  
同知爵魁雅精人倫鑒少重周起元之爲人深相結也



嘗賦夾道青松詩起元和之爵魁稱其寄托遙深凜然見歲寒志後果如所稱云

陳翼飛字小翮平和人少工于詩尤長古文詞登萬歷庚戌進士授宜興令有政聲家居與鄭懷魁戴燦等稱位雲十三子以文采風流爲時稱重著有長梧集

吳朴字子華紹安人貌不揚而博洽群書于天文方域黃石陰符之秘無不條析縷解不脩邊幅人以狂士目之嘉靖中林希元從征安南辟叅機宜軍事多出其謀安南平功竟弗及朴旣歸以他事下獄後乃著書自見有龍飛紀略皇明大事記九邊圖要及復大寧河套諸計

## 漳州府志

### 卷之三

人物三

三

三百八十六

畫

李世奇字亮先海澄人以文學著崇正辛未進士選庶常世奇爲孝廉時有紅夷之警邑令劉斯埭謀脩港口堡衆各憚勞無肯任者世奇曰吾當主之堡弗堅猶無堡也旣而寇至民賴以安嘗慷慨論天下事草疏將上之念母老以周易筮之得豫之六二世奇曰是其系曰介于石吾其還也遂改疏乞終養因號豫石有子曰基益有傳

論曰漳自周潘振藻代有文人明初淵源南宋諸老文尚醇質嘉隆以降崆峒歷下弇州以奧博相高立



言非左國先秦兩漢之詞弗善也漳之文章又一變矣其時泉郡王遵巖師法歐曾淳音高文真六經之言也顧舍近而求遠何歟然自廷實敦聲已下諸人其立身行已各有本末非如世之操觚者沾沾自喜曰吾文士也遂置他事於不問以劉國徵之風流儒雅而神清氣肅不可以非義干其視淺衷薄殖掛名文苑自誇墨妙筆精者侔乎尙矣

六生

六生者郡學生吳性原陳應宗林珏鄒君默曾廷瑞呂賢俱龍溪人性原初名晟字伯華髫齡補俊秀洪武中貢

漳州府志

卷之三十六

人物三

五

四百零四

入太學爲侍郎卓敬所器建文初予回籍益力學砥行教授陳思賢聞其名館延之使長諸生靖難詔至性原首倡大義與諸賢設舊君位會哭及思賢逮繫性原題絕命詞一篇沐浴危坐夜四鼓自縊于明倫堂性原爲人慷慨有大志以節義文章高自標許至是授命不負所言云其絕命詞曰巍巍天地間忠孝大如椽士也學何事夙夜宜勉旃伊余忝俊秀弱寇竇九天未敢擔君祿歸來問簡編嗟哉逢大故國步忽躋顛管魏有慚德夷齊古所賢去就從茲決哭臨非徒然一死雖無補勿使生覩顏聞者壯之死六日面色如生官殮殞之於南



山寺墓栗園門人陳坤等私謚之曰忠清

論曰前志立六生傳而惜其生平行誼泯滅無傳今從吳氏家譜採入志中性原之力學砥行高自期許卒能從容蹈死取義成仁其挾持有素亦可見矣唐柳子厚段太尉狀云世之稱太尉大節者以爲一時奮不慮死以取名天下不知太尉之所立如是其卽性原之謂歟嗚呼向使性原與五人者遭陰陽之病數日不起等死耳千百世後誰知有六生者昔歐陽公作五代史錄死節者僅三人將以質之長樂老人傳六生備載性原絕命詞使人知有君臣之義也○

漳州府志

卷之三十六

人物三

五

四百五十九

又据龍溪二十七都陳洲社武進士陳光昭太學生陳瑞和等呈稱上代祖應宗字國脉生于元至正二十年庚子三月三日辰時年二十以習尙書充郡弟子員居興賢齋洪武甲子補廩生永樂改元掌郡教陳思賢齊集諸生諭以哭臨舊君無敢應者適有上舍生吳性原與應宗善謂應宗曰父子君臣綱常之大者今日之事正吾輩所當致力僕與君雖未沾祿爵然身旣列膠庠受長育之恩矣况汝祖元光啟士建漳有死事之忠維持綱常正君寔故事耳應宗許諾遂同見思賢曰與其逆理而生不如順理而死思



賢曰有是哉率同齋生林珏鄒君默曾廷瑞呂慶等  
六人相與制服于明倫堂哭臨七日各自縊于時思  
堂時歿未丁二月五日午時年四十有四娶雲霄吳  
氏生男一曰天與墓未寧鄉唐化里之待青山其本  
末之詳如此附識于姓原後六生行誼今已悉其二  
矣安知自今以後四生之行誼不有表而出之者耶

漳州府志卷之三十八終

漳州府志

卷之三十八

人物三

三

